

## **11 - Pandy Tudur i Langernyw 2.5 milltir/4 km**

Ewch dros y bont a throi i'r dde i fyny allt serth fer (wedi ei marcio fel un sy'n anaddas i lorïau mawrion). Ar y top trowch i'r dde ar hyd y lôn tuag at yr Hen Ficerdy ac i'r A 548. Trowch i'r dde a cherdded ar hyd y ffordd yma am ychydig i gymryd y lôn ar y chwith i fyny tuag at y fferm yn Llwyn Du Isaf.

Wrth y fferm ewch i'r dde rhwng y fferm ac adeiladau'r fferm. Ewch drwy'r giât i'r lôn werdd rhwng dau gae. Ar y top ewch dros gamfa. Cerddwch yn lletraws i'r dde ar draws y cae at gamfa ac yna i'r chwith dros y cae nesaf i fynd drwy giât i'r lôn. Trowch i'r dde ac yna cymerwch y llwybr troed mewn oddeutu 100 metr ar y chwith. Mae'r llwybr yn drac i ddechrau sy'n gallu bod yn fwdlyd. Yna mae'n mynd drwy giât ac yn gwyro i'r dde.

Dilynwch y ffens am oddeutu 100 metr ac wrth giât (ar eich ochr dde) trowch yn lletraws i'r chwith i lawr yr allt a chroesi'r cae i'r gornel bellaf. Yma mae camfa ysgol sydd wedi'i chuddio'n rhannol gan goed.

Ewch dros y gamfa a phont droed ar draws y nant. Nawr mae'r llwybr yma'n dilyn y nant at fynedfa Plas Hafodunos. Mae'r darn yma'n arbennig o ddeniadol ac, ar ôl yr ail gerflun o bererin, mae'n mynd i lawr drwy geunant coediog prydfferth. Ond gall y llwybr fod yn fwdlyd, gwlyb a llithrig. Wrth Borthdy Plas Hafodunos, trowch i'r dde i mewn i bentref Llangernyw.